



# Timor-Leste Levantamentu COVID-19

Ronda 4 – Dezembru 2020

Apoia husi



Implementa husi



Prodús husi



Publikasaun ida-ne'e hetan finansiamentu husi Governu Australianu liuhusi Ministériu Negósius Estranjeiru no Komérsiu, através ninia programa Dezenvolvimentu Governansa. Opiniaun sira ne'ebé hato'o iha publikasaun ida-ne'e nu'udar autór nian mesak no la nesesariamente reprezenta opiniaun husi Governu Australianu nian.

# Levantamentu COVID-19 Timor-Leste

Rezultadus fulan Dezembru 2020




Fixa informativu ida-ne'e apresenta rezultadu sira husi levantamentu telefónika ida ho **ema adultu** nain 403 iha **Timor-Leste** ne'ebé hala'o husi loron **3-7 Dezembru**. Durante semana ne'ebé levantamentu ne'e hala'o, iha kazu ativu COVID-19 nian ida de'it iha Timor-Leste, Estadu Emerjénsia ba dala-8 nian foin mak dekreta atu vigora iha loron 30 oinmai nia laran, no governu foinhalo lansamentu ba Cesta Basica. Rezultadu sira husi **Dezembru** nian ne'e uza hodi kompara ho rezultadu sira anteriór nian to'o iha pontu posível.

## Dezafiu boot liu ba nasaun ne'e mak nafatin COVID, ekonomia ne'e iguál ba comunidade sira

## Iha sentimentu katak Timor-Leste la'o daudaun ba diresaun loos

### Ba Timor-Leste: (resposta singular)


	Maiu	Jullu	Set	Dez	
	62%	53%	72%	<b>61%</b>	COVID-19
	10%	18%	8%	<b>17%</b>	Ekonomia
	18%	19%	10%	<b>11%</b>	Política



### Ba ita-nia komunidade: (resposta multipla/barak)

	Maiu	Jullu	Set	Dez	
	76%	70%	64%	<b>70%</b>	COVID-19
	64%	72%	62%	<b>68%</b>	Ekonomia
	37%	48%	38%	<b>41%</b>	Política

## Maioria hanoin katak governu halo serbisu ida di'ak hodi hala'o ninia responsabilidade sira




### Ba ita-boot nu'udar individuu: (resposta multipla/barak)

	Maiu	Jullu	Set	Dec	
	80%	75%	79%	<b>81%</b>	COVID-19
	63%	74%	62%	<b>69%</b>	Ekonomia
	49%	59%	50%	<b>51%</b>	Política

## 59% fiar katak governu sei tau-matan ba sira durante COVID-19

Maiu 49% Jullu: 64% Set: 83%

## Sentimentu kona-ba resposta atuál husi governu:



## Hahalok seguru hasoru COVID sai-menus ba beibeik

(% husi hahalok seguru ne'ebé pratika)



**55%** Máskara Set: 70%



**52%** Fase liman Set: 67%



**51%** Mantein distánsia 2m Set: 60%

## Durante tempu ida-ne'e, saida mak governu bele halo liutan atu apoia nia sidadaun sira? 3 ne'ebé boot liu

1. Hapara tiha estadu emerjénsia- **34%**
2. Fó tan osan ba uma-kain sira- **33%**
3. Fó tan informasaun kona-ba asesu ba apoio - **32%**

Iha loron 30 ikus nia laran,




**60%** mak hamenus porsaun han ka kesi-kabun la han tanba laiha osan suficiente atu sosa hahán (kompara ba 70% iha fulan Maiu)

Karik ita-boot <u>simu ona</u> sesta bázika/ voucher ai-han nian?				Karik ita-boot <u>prefere</u> governu atu distribui pagamentu ba osan ka sesta bázika/ voucher ai-han nian?			
Sin	Lae/Seidauk	Labelerejista	La elejível	Sesta bázika	Voucher ai-han	Pagamentu Osan ba Uma Kain	Osan \$25 (envezde voucher)
36%	62%	1%	0%	0%	4%	22%	42%

Satisfasaun ho sesta bázika/ voucher ai-han nian: (Sira ne'ebe simu ona)

Satisfasaun ho Pagamentu osan ba Uma-Kain: (sira ne'ebe simu ona)



**Edukasaun:**

Eskola sira loke ona no funsiona normál

*Sempre + Frekuente tebes*

Dez

Fev 2021

Abr 2021

88%

-

-

Hau-nia oan iha asesu ba bee iha eskola

*Sempre + Frekuente tebes*

80%

-

-

**Infraestrutura:**

Bomba-bee iha hau-nia fatin/lokál kuru bee nian ne'e funsiona ho di'ak

*Sempre + Frekuente tebes*

74%

-

-

Hau bele asesu ba bis no mikrolét sira

*Sempre + Frekuente tebes*

70%

-

-

Estradas entre postu administrativu sira iha kondisaun di'ak

*Sempre + Frekuente tebes*

62%

-

-

**Servisus finanseira:**

Família manán osan nato'on atu selu ba buat sira ami prezisa

*Hanesan ka di'akliu duké antes ba pandemia*

93%

-

-

Posível atu hetan serbisu ida besik ba hau-nia hela-fatin


*Hanesan ka di'akliu duké antes ba pandemia*

92%

-

-

**Seguransa:** Dezde fulan Marsu 2020, oinsá mak seguransa no protesaun iha ita-nia comunidade lokál laran hetan mudansa?



**Ameasas seguransa ne'ebé komún liuhotu dezde fulan Marsu: 3 ne'ebé boot liu**

1. COVID-19 – 70%
2. Grupu arte marsiais – 9%
3. Disputa ba rai – 6%

**Seguransa: 64%** mak relata konfliktu iha bairru ne'ebá

**Kauza sira komún liuhotu ba konfliktu iha ita-nia área: 3 ne'ebé boot liu**

1. Kanek husi agresaun fíziku – 29%
2. Na'ok propriedade pesoál – 15%
3. Disputa ba rai agrikultura – 5%

Ami hakarak hatu'o agradisimentu ba respondente nain 403 ne'ebé fó ona sira-nia tempu no mós ba entrevistador nain 17 iha Dili ne'ebé hala'o levantamentu ba fulan Dezembru nian.

Apoia husi



Implementa husi



Produced by



# Antesedente

## Peskiza ida ne'e kona ba saida?

COVID-19, ka pandemia global coronavirus ezije ona resposta ka esforsu ne'ebé boot tebes husi governu sira iha mundu tomak. Timor-Leste iha ninia rekezitu úniku rasik bainhira responde ba eventu ida ho magnitude boot hanesan ida-ne'e.

Peskiza ida-ne'e buka atu kompreende:

- Povu Timor-Leste sira-nia preokupasaun;
- Oinsá di'ak populasaun sira adapta ba medida sira prevensaun nian no tau-matan ba sira-nia saúde;
- Nível konfiansa iha governu;
- Uzu no satisfasaun ho governu nia programa sira;
- Impaktu sosiál no ekonómiku husi pandemia COVID-19;
- Oinsá distribuisaun ba serbisu uma-laran nian durante pandemia;
- Reziliénsia husi ema ida-idak no sira-nia comunidade; no
- Fontes ba notisia no informasaun ne'ebé mak povu Timor-Leste konfia liu hodi sai informadu nafatin kona-ba pandemia ne'e.

## Kontestu Timor-Leste

Sorte boot, Timor-Leste kontinua hodi evita impaktu ne'ebé aat liu husi pandemia COVID-19 nian kompara ho nasaun seluk barak, ho número kazu no transmisaun komunitária ne'ebé razoavelmente ki'ik. Bainhira pandemia ne'e mosu foun foun iha fulan Marsu 2020, Governu Timor-Leste (GOTL) responde hodi deklarar Estadu Emerjénsia (EE) ida, ne'ebé halo eskola sira taka, suspende transporte públiku no bandu ema halibur malu iha grupu boot, fexamentu instituida ba fronteira no estabelese regra sira ba distansiamentu sosiál. Prekusaun estrita hirak ne'e vigora durante atividade koleta dadus nian iha fulan Maiu. Partes husi Estadu Emerjénsia ne'e revoga tiha molok hala'o serbisu terrenu nian iha fulan Jullu, hodi restaura hikas fali maioria liberdade ba rezidente sira iha Timor-Leste maibé sei aplika nafatin restrisaun ba viajen internasionál. Iha inísiu fulan Agostu, GOTL iestabelese hikas fali Estadu Emerjénsia ho objetivu prinsipál atu halo restrisaun ba viajen internasionál no impoin kuarentena obrigatóriu. Dekretu ida-ne'e konfirmadu iha inísiu fulan iha inísiu fulan Setembru no kontinua to'o iha período koleta dadus fulan Setembru no Dezembru nian. Iha lora 31 Outubru 2020 Governu Australiana kompromete millaun \$500 ba ba vasina COVID-19 nian ba Pasífiku no Sudeste Aziátiku, inklui Timor-Leste.

Depoizde hetan susesu iha Apoiu Monetáriu ba COVID-19, ka subsidiu ba *Uma Kain* ne'ebé hahú ho ninia distribuisaun ba pagamentu iha fulan Juñu, iha fulan Setembru governu anunsia programa foun ida hanaran *Cesta Basica* (bote ba ai-han bázika nian). Programa foun ne'e sei fó voucher ai-han nian ho valór \$25 ba ema Timoroan ida-idak ba período fulan rua nian. Maski programa *Cesta Basica* ne'e anunsia iha fulan Setembru, maibé distribuisaun ba sesta bázikas/voucher sira-ne'e seidak realiza to'o iha inísiu fulan Dezembru 2020.

Programa apoiu sira seluk ne'ebé anteriormente anunsia ona ne'e inklui subsidiu ba eletrisidade ho valór \$15 kada fulan, subsidiu 60% ba saláriu no mós pagamentu mensál ho valór \$36 ba auto-empregu no traballadór informál sira, ho kondisaun katak sira rejista ba eskema Seguransa Sosiál.

Iha kontestu ba medida sira temi iha leten ne'e, Parlamentu halo daudaun debate hela ba Orsamentu Estadu 2020 nian ne'ebé ikusmai aprovalu iha lora 19 Outubru 2020. Nia aloka millaun \$322 ba alívio COVID-19 no millaun \$109 ba Cesta Basica iha fulan Novembru no Dezembru 2020. Diskusaun plenária ba proposta Orsamentu Estadu 2021 nian ne'e hahú hala'o iha Parlamentu iha lora 30 Novembru, no Parlamentu aprova proposta lei ne'e iha jeneralidade iha lora 2 Dezembru.

# TAF COVID PULSE SURVEY

## MARSU

- 21 Kazu COVID-19 primeiru rejista iha Timor-Leste.
- 27 Prezidente Repúblika deklara Estadu Emerjénsia (#1) husi 28 Marsu to'o 26 Abril.
- 28 Konsellu Ministru adota Dekretu Governu nu. 3/2020 atu kombate transmisaun Covid-19.

## ABRIL

- 16 Númeru ema ne'ebé infetadu pozitivu ba Covid-19 sae to'o na'in-18.
- 29 Estadu Emerjénsia (#2) hahuu, ekstende too 27 Maiu, 11:59 pm. Ema hotu-hotu, inklui sidadaun Timor-Leste, seidauk hetan autorizasaun atu tama mai teritóriu.

## MAIU

- 19 Ronda dahuluk ba koleasaun dadus hahuu husi 19 to'o 25 Maiu.
- 27 Estadu Emerjénsia (#3) hahuu, ekstende to'o 26 Juñu, 11:59 pm.

## JUÑU

- 9 Distribuisaun Pagamentu ba Uma Kain ba munisipiu 12 hahuu.
- 26 Estadu Emerjénsia (#3) remata iha kalan. Medida sira nafatin aplika hodi prevene virus Covid-19 tama mai Timor-Leste.

## JULLU

- 18 Ronda daruak ba koleasaun dadus hahuu husi 18 to'o 27 Jullu.

## AGOSTU

- 5 Estadu Emerjénsia (#4) deklara, efetivu too 4 Setembru, 11:59 pm. Hanesan antes ne'e, nia kontinua halo restrisaun ba viajen, no kuarentena mandatóriu.

- 4 Estadu Emerjénsia (#5) hahuu, ekstende to'o 4 Outubru, 11:59 pm.
- 5 Governu Timor-Leste fo sai kona-ba ai-han cesta básica Timoroan sira hotu ho folin \$25 kada.
- 21 Ronda datuluk ba koleasaun dadus husi 21 Setembru to'o 2 Outubru.

## SETEMBRU

- 5 Estadu Emerjénsia (#6) hahuu, ekstende ba 3 Novembru, 11:59 pm.
- 27 Lansamentu ba Programa Cesta Básica iha Metinaro, munisipiu Dili.
- 31 Australia kompremete \$500m ba vasina COVID-19 ba Pasifiku, no Sudeste Aziátiku, inklui Timor-Leste.

## OUTUBRU

- 4 Estadu Emerjénsia (#7) hahuu, ekstende to'o 4 Dezembru, 11:59 pm.
- 7 Banco Mundial prevee Timor nia ekonomia sei tuun ho porsentu 6.85 iha tinan-2020.
- 14 Timor-Leste temporariamente livre husi Covid-19.

## NOVEMBRU

- 3 Ronda dahaat ba koleasaun dadus husi 3 to'o 7 Dezembru.
- 4 Estadu Emerjénsia (#8) hahuu, ekstende to'o 2 Janeiru, 11:59 pm.

GoTL hahuu distribuisaun husi Cesta Básica nia billeti ba to'o beneficiariu na'in-285,660 iha Cristo-Rei, Dom Aleixo, Nain Feto no Vera Cruz iha Dili laran.

## DEZEMBRU

## Peskiza ne'e hala'o ba sé?

Fundasaun Ázia serbisu hamutuk ho povu Timor-Leste kuaze besik tinan 30 ona hodi haree ba asuntu sira hanesan empregu, direitus fetu nian, no polisiamentu komunitária, no mós komisiona peskiza ida-ne'e. Rezultadu sira sei uza hodi halo advokasia ba Governu Timor-Leste no doador sira ba kestaun sira relasiona ho COVID-19. Peskiza ida-ne'e hetan apoiu husi Governu Australianu através Ministériu Negósius Estranjeiru no Komérsiu (DFAT).

## Peskiza ne'e hala'o oinsá?

Entre loron 3-7 Dezembru, sentru atendimentu ida bazeada iha Dili mak hala'o entrevista 403 ho ema adultu sira iha Timor-Leste, uza lista amostra ida husi respondente sira ne'ebé uluk partisipa iha Fundasaun Ázia nia levantamentu Tatoli no mós Polisiamentu Komunitária nian. Ida-ne'e hatutan levantamentu ida kuaze hanesan loloos kedas ne'ebé hala'o iha fulan Maiu, Jullu no Setembru, ne'ebé sei uza hodi kompara mudansa husi tempu ba tempu. ORIMA Research (Austrália) serbisu hamutuk ho Fundasaun Ázia iha elaborasaun ba kestionáriu no metodolojia koleta dados, realiza verifikasaun ba kualidade dados, no mós halo análise no relatóriu. Detallu barak tan bele haree iha seksaun metodolojia husi relatóriu ida-ne'e. Rezultadu kompletu husi levantamentu ne'e mós disponível iha plataforma Vizualizasaun Q2i: [surveys.asiafoundation.org/Dashboard?SurveyCode=TLCV](https://surveys.asiafoundation.org/Dashboard?SurveyCode=TLCV)

## Futuru

Espera katak levantamentu ida-ne'e sei hala'o filafali iha intervalu fulan 2 nia laran to'o fulan Juñu 2021 atu haree oinsá comunidade hetan mudansa husi tempu ba tempu. Relatóriu ida-ne'e no plataforma vizualizasaun Q2i nian sei atualizadu subsekuentemente hodi refléta dados ida-ne'e.



# Rezultadu sira

## Preokupasaun sira ne'ebé boot liu

Iha fulan **Dezemburu 2020**, respondente barak mak senti katak Timor-Leste la'ó ba diresaun **loos** (70%) duké diresaun ne'ebé sala (30%) – fó pontuasaun líkida ida +40%. Ida-ne'e rezultadu ne'ebé pozitivu liuhotu mak rejista ona desde levantamentu ne'e hahú.

Persepsaun sira katak Timor-Leste la'ó ba diresaun loos ne'e hetan ona melloria entre grupu idade hotu-hotu kompara ba levantamentu iha ronda sira uluk nian, maski nune'e,

respondente sira ho idade 45 ba leten nafatin ladún senti pozitivu (63%, kompara ba 73-74% husi respondente sira ho grupu idade 17-44).




COVID-19 sei haree nafatin hanesan dezafiu ne'ebé boot liu ne'ebé Timor-Leste hasoru, inklui impaktu ba saúde (61%), maski nune'e, ida-ne'e menus uitoan kompara ho bainhira nia to'ó iha pontu kulminante iha fulan Setembru ho 72%. Ekonomia ne'ebé fraku (17%) mak konsidera nu'udar dezafiu boot liu segundu, no sai hanesan dezafiador ida duké iha fulan Setembru (8%). Asuntus polítiku (11%) nafatin sai hanesan dezafiu segundu ida signifkativamente ki'ik liu, ho impaktu vizível ne'ebé hanesan ho iha fulan Setembru (10%).

Preokupasaun kona-ba COVID-19 ne'e diferente tuir lokalidade, ho ema sira ne'ebé hela iha Dili provável liu atu informa katak COVID-19 nu'udar dezafiu ne'ebé boot liu (72%) kompara ba respondente sira ne'ebé iha li'ur ba Dili (58%). Respondente sira ho idade 35-44 provável tebes atu identifika COVID-19 nu'udar dezafiu boot liu ne'ebé mak Timor-Leste hasoru (77%). Respondente sira ho idade 17-24 mós senti preokupadu liu kona-ba COVID-19 (66%), maibé ida ne'e menus uitoan kompara ho iha fulan Setembru (79%). Respondente sira ho idade 25-34 (54%) no 45+ (56%) ne'e menus provável atu senti preokupadu kona-ba COVID-19.

Iha fulan Dezembru, COVID-19 mós sei nafatin sai hanesan preokupasaun komún liuhotu ba ema individuál sira (81%, hanesan ho levantamentu iha ronda sira uluk nian) no komunidade (70%, aas liu duké 64% iha fulan Setembru maibé aliñadu ho 70% iha fulan Jullu). Ekonomia ne'ebé fraku, asuntus polítiku, serbisu menus no ai-han menus sei nafatin sai hanesan problema sira ne'ebé relata barakliu tantu ba komunidade no ba ema individuál sira. Kompara ho fulan Setembru, ekonomia ne'ebé fraku (68%, sa'e husi 62% iha fulan Setembru) mak konsidera nu'udar problema boot ida enkuantu ai-han menus (25%, tun husi 40%) ne'e konsidera la'ós nu'udar problema ida iha komunidade sira-nia leet. Entre ema individuál sira, respondente sira ladún preokupadu kona-ba serbisu menus (27%) kompara ho fulan Setembru (37%).

**Problema 3 ne'ebé boot liu nu'udar ema individuál ida no mós iha ita-nia komunidade laran** (Resposta barak, hatudu problema neen ne'ebé komún liu)




Respondente sira hetan husu kona-ba oinsá sira-nia preokupasaun ho aspetu oioin husi moris nian. Pelumenus metade husi respondente sira senti preokupadu 'tebes' kona-ba kada aspetu ne'ebé testadu. Respondente sira senti preokupadu liuliu kona-ba iha osan suficiente ba sira-nia família iha futuru (60% 'preokupadu tebes') no iha hahán suficiente hodi sustenta sira-nia família (58%). Nível preokupasaun sira ba iha aspetu hotu-hotu ne'e jeralmente aas liu ba ema sira ne'ebé hela iha Dili no mós mane sira.



## Medidas preventivas no hahalok kuidadu saúde nian

### Hahalok seguru hasoru COVID-19 (aplika barak liu) iha semana liubá



Proporsaan husi respondente sira ne'ebé responde katak kumpri 'tebetebes' hahalok sira preventivas hasoru COVID-19 nian iha semana liubá ne'e sai menus ba beibeik dezde levantamentu primeiru iha fulan Maiu. To'o iha fulan Dezemburu, maizumenus metade de'it husi respondente sira mak sei nafatin uza 'tebetebes' máskara (55%, tun husi 70% iha fulan Setembru), fase sira-nia liman depoizde kontaktu (52%, tun husi 67%) no mantein distánsia metru rua husi ema seluk (51%, tun husi 60%). Ema sira ne'ebé hela iha Dili mak provavel liu atu kumpri 'tebetebes' hahalok seguru hasoru COVID-19 nian kompara ba respondente hirak ne'ebé la'ós hela iha Dili.

### Se ita hetan sintomas, ita-boot sei:

Maiu	Jullu	Set	Dezemburu	
94%	95%	99%	<b>98%</b>	Ba ospital ka klinika saúde ida
92%	79%	79%	<b>88%</b>	Fó-hatene ba ema sira iha huania sorisorin
85%	79%	77%	<b>86%</b>	Hela de'it iha uma
-	-	63%	<b>89%</b>	Konsumi ai-moruk tradisionál
-	-	80%	<b>85%</b>	Kontinua halo hanesan baibain

Hanesan iha levantamentu ronda sira uluk nian, kuaze respondente hotu-hotu (98%) mak informa katak sira sei ba ospital ka klinika saúde ida se bainhira sira deskobre katak sira hetan sintomas ba moras nian. Maioria husi respondente sira mós informa katak sira sei konsumi ai-moruk tradisionál (89%, sa'e husi 63% iha fulan Setembru), fó-hatene ba ema iha sira-nia sorisorin (88%, sa'e husi 79% iha fulan Setembru maibé aliñadu ho 92% iha fulan Maiu) no hela de'it iha uma (86%, sa'e


husi 77% iha fulan Setembru maibé aliñadu ho 85% iha fulan Maiu).

Maski nune'e, maioria (85%) respondente sira mós informa katak sira sei continua halo hanesan baibain se bainhira sira hetan sintomas, aas liu duké iha fulan Setembru (80%). Respondente sira ne'ebé idade tuan liu provavel liu uitoan atu indika katak sira sei continua halo hanesan baibain (86-89% ba respondente sira ho idade 35+, kompara ba 81-83% husi grupu idade sira ne'ebé nurak liu). Ema sira ne'ebé hela iha Dili sei la provavel atu continua halo hanesan baibain kompara ho ema sira ne'ebé hela iha li'ur ba Dili.


## Konfiansa ba governu

Konfiansa iha Governu Timor-Leste atu tau-matan ba ninia sidadaun sira durante COVID-19 ne'e tun ona iha fulan Dezembru ba 59% depoizde hetan melloria ba beibeik husi fulan Maiu (49%) ba Setembru (83%). Deskonfiansa iha governu ne'e mós sai ida aas liu ne'ebé rejista (37%), depoizde tun tiha iha levantamentu ronda sira uluk nian (9% iha fulan Setembru, 18% iha fulan Jullu no 33% iha fulan Maiu).

Emasira ne'ebé hela iha Dili (64%) informa konfiansa ne'ebé aas liu ba iha governu duké respondente sira ne'ebé iha li'ur ba Dili (57%). Konfiansa ne'e mós aas liu entre respondente joven sira ho idade 17-34 (60-63%), kompara ba 54% husi respondente sira ho grupu idade 45+. Konfiansa mós aumenta ho númeru oan sira ne'ebé nu'udar dependente iha uma-laran. Konfiansa ne'e menus liu entre uma-kain sira ne'ebé laiha oan ne'ebé nu'udar dependente (42%), kompara ba 55% ho oan ida nu'udar dependente no 60-65% entre respondente sira ne'ebé ho oan nain rua ka liu ne'ebé nu'udar dependente.



## Oinsá ita-nia hanoin kona-ba governu nia reasaun atuál hasoru COVID-19



Proporsaun ne'ebé senti katak governu nia reasaun hasoru COVID-19 ne'e adekuada tun ona ba 48%, depoizde sa'e ba beibeik husi 53% iha fulan Maiu ba 59% iha fulan Setembru. Diminuisaun ida-ne'e lidera husi proporsaun boot ida husi respondente sira ne'ebé senti katak governu nia reasaun ne'e **estremu liu resik** (32%, sa'e husi 21% iha fulan Setembru maibé aliñadu ho 31% iha fulan Jullu).


Hanesan iha levantamentu ronda sira uluk nian, respondente joven sira ho idade 17-24 provável liu atu konsidera katak governu nia reasaun ne'e **la suficiente** (28%), kompara ba 13-23% husi grupu idade sira ne'ebé tuan liu.

Maioria respondente sira (89%) senti katak governu tenke aplika nafatin restrisaun ba emasira ne'ebé tama mai Timor-Leste husu nasaun sira seluk no impoin kuarentena obrigatóriu ba emasira ne'ebé tama mai rai-laran. Emasira ne'ebé hela iha Dili (94%, kompara ba 87% iha li'ur ba Dili) no respondente sira ne'ebé ho idade 35+ (91-95%, kompara ba 83-85% husi respondente sira ho grupu idade 35 mai kraik) provável liu atu apoia governu hodi kontinua aplika restrisaun ba entrada mai Timor-Leste.

## Uzu no satisfasaun ho governu nia programa sira

Maizumenus un-kuartu husi respondente sira (24%) hatudu katak folin ba sasán báziku sira hanesan foos no mina ne'e sa'e ona iha fulan kotuk, tun husi 31% iha fulan Setembru. Proporsaun ne'ebé hanesan husi ema sira ne'ebé hela iha Dili no iha li'ur ba Dili mak senti katak folin ba sasán báziku sira ne'e sa'e ona (24% ba rua hotu), entretantu respondente sira iha Dili provável liu atu relata katak folin ba sasán báziku sira tun tiha ona (8%, kompara ba 2% husi respondente sira ne'ebé iha li'ur ba Dili).<sup>1</sup>

### Iha fulan kotuk, karik folin ba sasán sira henesan foos no mina hetan ona mudansa iha ita-nia merkadu lokál sira?



Programa ida husi programa dahuluk sira ne'ebé anunsia husi governu mak **Osan Subsídriu ba Uma-kain**, ne'ebé mós koñesidu nu'udar Apoiu Monetáriu ba COVID-19, ne'ebé mak simu ona husi 95% husi uma-kain respondente sira hotu. Respondente sira iha uma-kain ne'ebé laho oan menus provável atu simu ona pagamentu ne'e (89%, kompara ba 94-96% husi uma-kain sira ne'ebé ho oan nain ida ka liu).

Iha momentu halo levantamentu fulan Setembru nian governu konsidera atu distribui **voucher ka bote ai-han nian** nu'udar alternativu ida posível ba pagamentu ho osan. Iha tempu ne'ebá maizumenus dois-tersu husi respondente sira indika katak sira sei satisfieiru ho kualkér opsaun ne'e ida. Iha momentu ne'ebé halo levantamentu fulan Dezembu nian maizumenus un-tersu de'it (31%) husi respondente sira ne'ebé mak igualmente satisfieitu ho kualkér opsaun ne'e ida, no maioria respondente sira prefere liu pagamentu ho osan duké voucher ka sestás bázika, espesíficamente pagamentu osan \$25 (42%)<sup>2</sup> ka Pagamentu osan ba Uma-Kain (22%).

Foin liu un-tersu de'it (36%) mak simu ona sesta bázika/voucher iha momentu halo levantamentu ne'e, maski nune'e, proporsaun ida notável (42%) mak sei hein hela ba ida-ne'e. Ema sira ne'ebé hela iha Dili (47%) provável liu atu simu ona sesta bázika/voucher, kompara ba respondente sira ne'ebé iha li'ur ba Dili (33%). Uma-kain sira ne'ebé laho oan (48%) ne'e mós provável liu atu simu ona sesta bázika/voucher kompara ba uma-kain sira ne'ebé iha oan. Maski nune'e, entre respondente sira ne'ebé ho oan ne'ebé nu'udar dependente, uma-kain sira ne'ebé iha oan barak ne'e provável liu atu simu ona sira-nia sesta bázika/voucher (40% husi uma-kain sira ne'ebé ho oan

<sup>1</sup> Relatóriu husi monitoriu ba merkadu husi WFP iha Timor-Leste iha 1 fulan-Marsu 2021 disponível hodi bele asesu iha <https://www.wfp.org/publications/timor-leste-market-monitor-reports-2021>

<sup>2</sup> Nota katak ida ne'e la'os opsaun ne'ebé governu oferece maibé opsaun husi intervistador sira rasik fó


nain tolu ba leten, kompara ba 30% kompara ho uma-kain hirak ne'ebé iha oan nain rua no 24% husi uma-kain hirak ne'ebé iha oan nain ida).

Husu ona pergunta ba respondente sira atu avalia sira-nia nível satisfasaun ho pagamentu ba apoiu Uma-Kain no sesta bázika/voucher. Maioria (89%) husi respondente sira ne'ebé mak simu ona subsidiu ba Uma-kain nian senti katak ida-ne'e 'di'ak' ka 'di'ak tebes'. Satisfasaun mós aas duni entre ema sira ne'ebé hela iha Dili (95%, kompara ba 87% husi ema sira ne'ebé hela iha li'ur ba Dili). Satisfasaun ho sesta bázika/voucher ne'e komparativamente tun (66%), no proporsaun ida notável (20%) husi respondente sira ne'ebé mak simu ona ida-ne'e hanoin katak ne'e 'aat' ka 'aat liu'. Satisfasaun ho sesta bázika/voucher ne'e aas duni entre ema sira ne'ebé hela iha Dili (74%, kompara ba 64% husi ema sira ne'ebé hela iha li'ur ba Dili).

Maioria (68%) husi respondente sira mak senti katak uma-kain hotu-hotu tenki simu benefísiu ho montante ne'ebé hanesan, laharee ba tamañu husi sira-nia uma-kain ka rendimentu. Respondente sira provável liu atu indika katak montante husi benefísiu ne'e tenki bazeia ba tamañu uma-kain nian (23%) duké uma-kain nia rendimentu (9%). Proporsaun husi respondente sira ne'ebé senti katak uma-kain hotu-hotu tenki simu benefísiu ho montante ne'ebé hanesan ne'e hanesan entre grupu jéneru no idade nian.

Televizaun no rádiu nafatin sai nu'udar fontes informasaun ne'ebé komún liu kona-ba apoiu governu nian (51%), maski menus utoan kompara ba levantamentu iha ronda sira uluk nian (tun husi 60% iha fulan Setembru, no 78% iha fulan Maiu). Iha komparasaun, un-kuartu (25%) hetan informasaun husi website governu, sa'e husi levantamentu iha ronda sira uluk nian (13% iha fulan Setembru no 10% iha fulan Jullu). Xefe/lideransa komunitária sira nu'udar fonte informasaun ida (11%) ne'e menus prevalente duké iha fulan Setembru (16%) ; maibé aumenta iha relasaun ba fulan Maiu no Jullu (rua ne'e hotu 5%).

**Ita-boot hetan informasaun iha-ne'ebé kona-ba atu simu apoiu husi governu?**




Rezidentes Dili nian provável liu duké ema sira iha li'ur ba Dili atu hetan sira-nia informasaun husi Televizaun ka rádiu (60%, kompara ba 45%), maibé menus provável atu depende ba Xefe/lideransa komunitária sira (3%, kompara ba 18%).

Respondente sira ho idade 25 mai kraik menus provável atu hetan informasaun husi Televizaun ka rádiu (17%, kompara ba 52-70% husi grupu idade sira ne'ebé tuan liu) no provável liu atu hetan informasaun online diretamente husi governu nia website (38%, kompara ba 19-24% husi respondente sira ne'ebé tuan liu).

## Apoiú adisionál husi governu

Iha kada ronda ba levantamentu nian husu ona pergunta ba respondente sira kona-ba saida mak governu bele halo hodi apoia liutan ninia sidadaun sira. Iha fulan Dezembru, prioridade prinsipál sira ne'e aliñadu ho ronda sira uluk nian: hapara estadu emerjénsia (34%, hanesan ho 37% iha fulan Setembru), fó tan osan ba uma-kain sira (33%, tun husi 46% iha fulan Setembru) no fó tan informasaun kona-ba oinsá mak atu asesu ba programa sira apoiu governu nian (32%, sa'e husi 25% iha fulan Setembru). Respondentes uitoan mak konsidera katak governu bele fornese ai-han (17%, tun husi 31% iha fulan Setembru).

### Durante tempu ida nee, saida mak governu bele halo liu tan hodi suporta ninia sidadaun sira? (Resposta barak bele)



Mane sira (38%, kompara ba 30% husi feto sira) no respondente sira ne'ebé ho idade 45+ (40%, kompara ba 28-35% husi grupu idade sira ne'ebé nurak liu) provável liu atu husu hodi hapara estadu emerjénsia. Ema sira ne'ebé hela iha Dili provável liu atu husu pagamentu ho osan (41%) kompara ba ema sira ne'ebé hela iha li'ur ba Dili (31%).

Levantamentu ne'e salienta katak governu halo hela planu atu halo pagamentu mensál tolu ho montante ida-idak \$36 hodi apoia auto-empregu no traballadór sira iha sektor informál nian husi fulan Novembru 2020, ho kondisaun katak sira rejista ba Eskema Seguransa Sosiál.

Koñesimentu kona-ba eskema ida-ne'e aumenta ba 44% kompara ba 35% iha fulan Setembru. 21% seluk rona tiha ona kona-ba programa ida-ne'e maibé lahetan detalles ruma (tun husi 28% iha fulan Setembru).

Husi respondente sira ne'ebé mak sei elejível ba eskema ida-ne'e, 28% rejista tiha ona, maibé 9% de'it husi sira seluk mak dehan katak sira sei hakarak atu rejista ba Eskema Seguransa Sosiál hodi bele simu pagamentu ne'e. Proporsaun kombinadu ho 37% nian ida-ne'e tun konsideravelmente husi 64% iha fulan Setembru. 48% husi respondente sira ne'ebé elejível iha Dili mak dehan sira sei lakohi atu rejista hodi simu pagamentu ne'e, kompara ba 68% iha li'ur ba Dili.


53% (aliñadu ho 54% iha fulan Setembru) mak hatene oinsá atu hetan asesu ba eskema ne'e. Tuir observaun iha fulan Setembru, respondente sira husi Dili signifkativemente hatene liu kona-ba sistema ne'e, hakarak atu rejista no iha konfiansa kona-ba oinsá mak atu asesu ba eskema ne'e.

## Edukasaun

Maioria (65%) husi respondente sira ne'ebé iha oan senti katak seguru atu haruka sira-nia oan ba eskola, maski nune'e, maizumenus un-kuartu (27%) mak lae tanba kestaun risku husi COVID. Proporsaun sira ne'ebé ki'ik liu senti katak la seguru atu haruka sira-nia oan ba eskola tanba kestaun seguransa (4%) ka tanba la'o ain ho distánsia dook (4%). Proporsaun boot ida husi rezidente sira iha Dili (70%) senti katak seguru atu haruka sira-nia oan ba eskola kompara ho respondente sira ne'ebé iha li'ur ba Dili (63%).

Maizumenus três-kuartu husi respondente sira ne'ebé iha oan indika katak sira-nia oan nia mestre sira 'sempre' frekuente aula (76%) no eskola sira 'sempre' loke no funsiona ho normál (73%). Iha kontraste, maizumenus metade de'it (48%) husi respondente sira relata katak sira-nia oan 'sempre' iha asesu ba merenda loroloron iha eskola (48%). Respondente sira iha Dili provável liu atu relata katak eskola sira 'sempre' loke no funsiona ho normál (78%, kompara ba 71% iha li'ur ba Dili) no sira-nia oan 'sempre' iha asesu ba bee iha eskola (72%, kompara ba 66%).


### Favór fó-hatene mai hau karik eskola sira iha ita-nia área ne'e 'sempre', 'dalaruma' ka 'raramente' ka 'nunka' iha kondisaun hirak tuirmai ne'e



## Infraestrutura

Maizmenus dois-terçu (63%) husi respondente sira indika katak bomba bee nian iha sira-nia fatin ba kuru-bee ne'e 'sempre' funsona ho di'ak, enkuantu maizumenus metade de'it mak relata katak sira 'sempre' bele asesu ba bis no mikrolét (54%), estrada sira iha sira-nia postu administrativu(Postu Administrativu) 'sempre' iha kondisaun di'ak (52%) no sistemas fornesimentu bee-moos nian ne'e 'sempre' hadi'ak bainhira nia aat (47%). Avaliasaun ba infraestrutura ne'e sai pozitivu liu entre ema sira ne'ebé hela iha Dili, kompara ba respondente sira ne'ebé iha li'ur ba Dili.


**Favór fó-hatene mai hau karik infraestrutura hanesan sistemas bee-moos, estrada no ponte sira iha ita-nia área 'sempre', 'dalaruma', 'raramente' ka 'nunka' iha hirak tuirmai ne'e**



## Servisus finanseira

Maioria respondente sira hatudu katak aspetu finanseira husi sira-nia moris ne'e hanesan nafatin ka di'akliu duké antes pandemia mosu. Melloria boot liuhotu kompara ho antes ba pandemia nian ne'e mak relasiona ho sira-nia familia nia kapasidade atu hetan serbisu ida besik ba sira-nia hela-fatin (46% di'akliu, 7% aat liu, pontuasaun líkidu ida pozitivu ho 39%). Iha kontraste, impaktu pozitivu ne'ebé ki'ik liu mak relasiona ho empresta osan bainhira sira presiza (pontuasaun líkidu pozitivu ho 17%). Persepsaun sira-ne'e jeralmente pozitivu liu entre feto sira no mós ema sira ne'ebé hela iha Dili.

**Halo komparasaun entre uluk antes ba pandemia no agora ne'e, karik buat sira di'ak liu, hanesan ka aat liu duké antes ba pandemia?**




## Servisus sosiál

Kuaze respondente hotu-hotu mak informa katak governu nia programa/servisu sira disponível iha sira-nia comunidade atu tulun ema sira ho defisiénsia (91%) no katuas-ferik ka sidadaun seniór sira (93%) pelumenus 'dala balun'. Maizumenus metade husi respondente sira mak informa katak governu nia programa/servisu sira disponível iha tempu hotu-hotu ho 48% ba ema ho defisiénsia no 53% ba katuas-ferik ka sidadaun seniór sira).

Disponibilidade husi governu nia programa sira ne'e aas duni entre rezidente sira iha Dili tantu ba ema ho defisiénsia (59% iha tempu hotu-hotu, kompara ba 44% iha li'ur ba Dili) no katuas-ferik ka sidadaun seniór sira (61%, kompara ba 50%).

**Karik iha programa/servisu apoiu sira husi governu nian ba...?**






## Seguransa no protesaun

Iha fulan Dezembru, maizumenus metade husi respondente sira (52%) senti katak situasaun seguransa iha sira-nia comunidade laran ne'e maizumenus hanesan ho uluk molok ba estadu emerjensia primeiru no inisiu husi COVID iha fulan Marsu 2020. Maizumenus un-tersu (32%) senti katak seguransa iha ona melloria, entretantu 17% senti katak nia hetok sai aat liutan, pontuasaun líkidu ida pozitivu ho 15% iha ekilibriu. Respondente sira ne'ebé hela iha Dili iha persepsaun ne'ebé pozitivu liu kona-ba seguransa no protesaun iha sira-nia comunidade (32% pontuasaun líkidu pozitivu, kompara ba 9% iha li'ur ba Dili), nune'e mós respondente sira ho idade 25-44 (23-25%, kompara ba 3% entre respondente sira ho idade 45+ no 16% entre respondente sira ho idade 17-24)..

COVID-19 ne'e ein jerál konsidera nu'udar ameasa ne'ebé komún liu ba seguransa iha comunidade laran (70; no konsidera nu'udar ameasa ida boot liu husi rezidente sira iha Dili (76%) kompara ba respondente sira ne'ebé iha li'ur ba Dili (68%).


### Dezde fulan Marsu, saida mak sai ona ameasa ne'ebé komún liu ba seguransa iha ita-nia área?



Maioria (64%) husi respondente sira mak senti katak pelumenus iha kauza ida husi konfliktu iha sira-nia área. Rezidente sira iha Dili (73%), kompara ba respondente sira ne'ebé iha li'ur ba Dili (61%) provável liu atu hatene pelumenus kauza ida ba konfliktu iha sira-nia área; hanesan ba respondente sira ho idade 45+ (75%), kompara ba respondente sira ho idade 17-24 (50%).

### Saida de'it mak nu'udar kauza sira komún liuhotu ba konfliktu iha ita-nia área?

Kauza sira ba konfliktu nian ne'ebé hatene katak komún liu hotu mak agresaun fíziku ne'ebé rezulta ema kanek (29%), tuir mak na'ok propriedade pesoál/privadu (15%). Ameasa persebidu ba agresaun fízika ne'e aas duni entre rezidente sira iha Dili (34%, kompara ba 27% iha li'ur ba Dili) no mós entre feto sira (32%, kompara ba 26% husi mane sira).



## Governasaun no paritispasaun

Persepsaun jerál kona-ba Governu Timor-Leste ne'e pozitivu. Trés-kuartu (75%) senti katak governu halo serbisu ida di'ak 'tebes' ka 'nato'on' hodi dezempeña ninia responsabilidade sira. Aleinde ne'e, kuaze respondente hotu-hotu (96%) konkorda katak Parlamentu Nasionál ne'e reprezenta povu.


Emasira ne'ebé hela iha Dili (81%, kompara ba 73% iha li'ur ba Dili) no mós fetosira (84%, kompara ba 67% husi mane sira) provável liu atu sente katak governu halo serbisu ida di'ak 'tebes' ka 'nato'on'. La observa kona-ba diferensa tuir grupu demográfiku sira iha konkordánsia katak Parlamentu Nasionál ne'e reprezenta povu.

Maioria respondente sira mós senti haksolok ho maneira oinsá mak governu nia envolvimentu ho sidadaun sira hodi haree ba problema sira ne'ebé nasaun hasoru (76% haksolok 'tebes' ka 'nato'on'). Satisfasaun ho konsultasaun governu nian ne'e aas duni entre emasira ne'ebé hela iha Dili (83%, kompara ba 74% iha li'ur ba Dili), fetosira (79%, kompara ba 73% mane sira) no mós uma-kain sira ne'ebé iha oan nain rua ba leten (78-79%, kompara ba 69% uma-kain hirak ne'ebé iha oan nain ida ka laiha oan).


Husu ona pergunta ba respondente sira kona-ba karik tuir sira-nia hanoín kargu sira lideransa polítika nian ne'e tenki maioria ba mane ka maioria ba fetosira, fahe hanesan entre mane no fetosira, ka nakloke ba ema hotu, bazeia ba méritu. Maioria (68%) senti katak kargu sira lideransa polítika nian ne'e tenki fahe hanesan entre mane no fetosira. Emasira ne'ebé hela iha Dili provável liu atu senti katak kargu sira lideransa nian ne'e tenki fahe hanesan (74%, kompara ba 65% iha li'ur ba Dili), entretantu respondente sira ne'ebé iha li'ur ba Dili provável liu atu senti katak kargu sira lideransa nian ne'e tenki maioria ba mane (19%, kompara ba 4% iha Dili).

Observa mós diferensas balun iha persepsaun sira tuir jéneru. Proporsaan boot ida husi fetosira (71%, kompara ba 65% husi mane sira) senti katak kargu sira lideransa nian ne'e tenki fahe hanesan, entretantu iha proporsaan boot ida husi mane sira mak senti katak kargu sira lideransa nian ne'e tenki maioria ba mane (20%, kompara ba 10% husi fetosira).


## Ein jerál, ita-boot senti oinsá kona-ba maneira Governu Timor-Leste dezempeña ninia responsabilidade sira?



## Saida mak ita-boot sei hateten kona-ba governu nia nível konsultasaun atuál ho sidadaun sira atu haree ba problema importante sira ne'ebé nasaun hasoru?



## Tuir ita-nia hanoín karik kargu sira ba lideransa polítika nian ne'e tenki maioria ba mane ka maioria ba fetosira, ka fahe hanesan entre mane no fetosira, ka kargu sira lideransa nian nakloke ba ema hotu, bazeia ba méritu?




## Serbisu sira uma-laran nian

Satisfasaun ho maneira oinsá mak knaar sira uma-laran nian ne'e fahe ba malu entre sira no sira-nia kaben ka parseiru ne'e aumenta ona (92%, sa'e husi 84% iha fulan Setembru no 82% iha fulan Jullu). Iha parte seluk, insatisfasaun ne'e sai menus ona (7%, tun husi 14% iha fulan Setembru no 15% iha fulan Jullu).


Tuir observasaun iha levantamentu ba ronda sira uluk nian, satisfasaun ho divizaun ba serbisu entre ema ida-idak no sira-nia kaben ka parseiru ne'e hanesan de'it entre mane no fetu sira (92% ba rua hotu), apezarde distribuisaun ne'ebé lahanesan ba serbisu sira ne'ebé mane no mós fetu sira halo iha uma-laran.

### Ita-boot satisfoitu oinsá ho maneira fahe serbisu uma-laran nian entre ita-boot no ita-nia kaben ka parseiru?



Husu ona ba respondente sira kona-ba distribuisaun serbisu oioin iha uma-laran nian entre sira-nia an rasik, sira-nia kaben ka parseiru, ka ema seluk (hanesan parente, oan ka kolega kuartu nian). Hanesan iha levantamentu ronda sira uluk nian, mane sira iha tendénsia atu atribui serbisu barak ba sira-nia parseiru sira duké ba sira-nia an rasik (iha média, ba iha serbisu uma-laran nian hotu-hotu, mane sira atribui 26% husi serbisu ne'e ba sira-nia parseirus, no 10% ba sira-nia an rasik) no fetu sira atribui serbisu barak liu ba sira-nia an rasik (atribui 13% ba sira-nia parseirus, 37% ba sira-nia an rasik). Iha média proporsaun ne'ebé hanesan husi fetu noa mane sira mak hateten katak serbisu ne'e fahe hanesan (18-20%), maski nune'e, mane sira provável liu atu atribui serbisu ne'e ba ema seluk (45% husi mane sira, kompara ba 31% husi fetu sira).


### Persepsaun kona-ba distribuisaun ba knaar (média iha iten hotu-hotu)



Knaar hotu-hotu maibé ida de'it mak maioria empeña barak liu husi feto sira duké empeña barak liu husi mane sira—partikularmente prepara refeisaun ka hahán loroloron nian (maioria husi feto sira iha 53% husi respondente sira-nia uma-kain, maioria husi mane sira iha 15%), fase bikan (48% vs 3%), serbisu uma-laran (47% vs 6%), no fase roupa (43% vs 5%).


Mane sira mak provável liu atu responsável ba aspetu finansas husi uma-kain nian (maioria hala'o husi mane sira iha 35% husi uma-kain sira, maioria husi feto sira iha 18%). Knaar iha uma-laran nian ne'e envolve tau-matan ba oan sira ne'e provável liu atu fahe hanesan; maibé sei nafatin provável liu atu sai nu'udar responsabilidade prinsipál feto sira nian.

### Distribuisaun ba knaar (persepsaun husi nia jéneru rasik)



## Impaktu sosiál no ekonómiku

Impaktu pesoál persebidu husi COVID-19 [Saldu líkidu: impaktu pozitivu *minus* impaktu negativu]



Husu ona ba respondente sira atu identifika oinsá mak COVID-19 hamosu ona impaktu ba sira pesoalmente iha aspetu lubuk ida husi sira-nia moris—karik sira hetan ona impaktu pozitivamente, negativamente ka la afetadu liu. Rezultadu pontuasaun *saldu líkidu* (sentimentu pozitivu minus sentimentu negativu) hatudu katak iha maiór parte, provável liu ba ema atu haree ba impaktu husi COVID-19 nian ba iha sira-nia moris ne'e pozitivu liu uitoan envezde negativu.


Efeito ida-ne'e bele observa iha ronda levantamentu hotu-hotu, maibé maioria parte ne'e ladún temi iha fulan Dezemburu kompara ba levantamentu iha ronda sira uluk nian. Respondent sira favorável liu kona-ba impaktu husi COVID-19 nian ba tempu ne'ebé pasa ho sira-nia família (61% indika katak ida-ne'e impaktu ida pozitivu, 32% ida-ne'e impaktu ida negativu, ho saldu líkidu pozitivu 29%, sa'e husi 13% iha fulan Setembru), sira-nia sentimentu hanesan parte husi comunidade (15% saldu líkidu pozitivu, tun husi 21%) no sira-nia sentidu kona-atu fó apoiu (11%, tun husi 25%).

Aspetu prinsipál rua husi moris nian ne'ebé respondente sira hanoin iha balansu katak hamosu impaktu negativu mak nafatin sira-nia rendimentu uma-kain nian (38% hanoin katak impaktu ne'e pozitivu, 50% hanoin katak ne'e negativu—ho saldu líkidu *minus* 12%, maibé negativu ki'ik liu duké minus 28% iha fulan Setembru) no sira-nia serbisu (saldu líkidu minus 11%, negativu ki'ik liu duké minus 27% iha fulan Setembru).

Iha jerál, tantu impaktu sira pozitivu no negativu ne'e ladún temi iha fulan Dezemburu kompara ho fulan Setembru.

Respondentes nain neen-husi-sanulu (60%) mak indika katak sira obrigatoriamente tenki kesi-kabun la han ka hamenus porsaun ba han nian pelumenus dala ida iha fulan kotuk tanba osan la suficiente. Proporsaun ida-ne'e aas liu duké iha fulan Setembru (53%) maibé sei konsideravelmente ki'ik liu duké iha fulan Jullu (70%) no Maiu (76%). Uma-kain sira ne'ebé boot liu provável liu atu kesi-kabun/hamenu porsaun ba han nian kompara ba hirak ne'ebé ema uitoan liu (64% husi uma-kain sira ne'ebé iha ema nain lima ba leten, kompara ba 59% husik hirak ne'ebé iha ema nain haat, no 40-45% husi hirak ne'ebé iha ema nain rua ka tolu).


**Iha loron 30 ikus nia laran, karik ita-boot hamenus porsaun ba han ka kesi-kabun la han tanba laiha osan suficiente atu sosa hahán?**



## Notísias no informasaun

Iha fulan Dezembru, televizaun nafatin nu'udar kanál ne'ebé uza frekvente liuhotu ba média no divertimentu (73% pelumenus dala balun iha semana ida nia laran, aliñadu ho 76% iha fulan Setembru). Kompara ho fulan Setembru, respondent sira dalaruma provável liu atu uza média sosiál no internét (60%, aumentu uitoan husi 54%) no lee jornál (31%, sa'e husi 22%).

Rezidente sira iha Dili provável liu atu uza tipu hotu-hotu husi média no divertimentu pelumenus dala balun iha semana ida nia larankompara ba ema sira ne'ebé hela iha li'ur ba Dili. Respondente joven sira ho idade 17-24 provável liu atu uza média sosiál ka internét (68%, kompara ba 51-63% husi respondente sira ho grupu idade 25+) no menus provável atu uza tipu sira seluk husi média no divertimentu hotu-hotu.




### Iha sira-nia uma-laran...

**79%** La uza lisuk sira-nia telefone ho ema seluk, no

**84%** Asesu internét uza telefone

**74%** Dala barak uza website ka aplikativu

### Website ka aplikativu 5 ne'ebé uza dalabarak liu



Maizumenus respondentes nain ualu-husi-sanulu (79%) mak iha sira-nia telefone rasik, no proporsaan ida hanesan (84%) mak asesu ba internét ka média sosiál iha sira-nia telefone rasik ka ema ruma iha sira-nia uma-laran mak halo ida-ne'e<sup>3</sup>.

Rezidente sira iha Dili (87%, kompara ba 76% husi ema sira ne'ebé hela iha li'ur ba Dili) provável liu atu iha sira-nia telefone rasik.


Ein jerál, 74% husi respondente sira indika katak frekuentemente uza aplikativu ka website balun (karik iha sira-nia telefone, ema seluk nia telefone, ka ho meius seluk) — tun husi 85-95% iha ronda sira uluk nian. Ema sira ne'ebé hela iha Dili (91%) no mós iha idade entre 17-24 (86%) provável liu atu uza website ka aplikativu regularmente.

Facebook (71%) ein jerál nafatin sai nu'udar website ka aplikativu ne'ebé mak uza komún liuhotu, tuir mak WhatsApp (25%) no YouTube (16%).


<sup>3</sup> Tanba levantamentu ne'e hala'o liuhusi telefone, respondente hotu-hotu iha asesu ba telephone. Hanesan komparasaun ida, iha 2018, porsentu 76 husi respondente sira mak fó número telefone ida no porsentu 33 de'it husi respondente sira mak dehan katak sira iha asesu ba internét.

COVID-19 nafatin nu'udar tópiku notísias ne'ebé ema akompaña besik tebes iha fulan Dezembru, maski nune'e, proporsaun ki'ik ida (56%) husi respondente sira mak akompaña tópiku ida-ne'e pelumenus 'besik nato'on' kompara ba levantamentu iha ronda sira uluk nian (65-66%). Proporsaun husi akompaña pelumenus 'besik nato'on' ba tópiku sira seluk ne'e mós hetan redusaun kompara ho fulan Setembru: política nasionál (51%, tun husi 62% iha fulan Setembru), política lokál (48%, tun husi 55%), asuntu mundiál (46%, tun husi 55%) no/ka notísia sira kona-ba negósiu no finanseira nian (43%, tun husi 50%). Ema sira ne'ebé hela iha Dili mak provável liu atu akompaña tópiku ida-idak besik liu kompara ho ema sira ne'ebé hela iha li'ur ba Dili. Mane sira mós provável liu atu akompaña tópiku ida-idak kompara ba feto sira, ho exesaun ba COVID-19 (54%, kompara ba 57% husi feto sira).

### Oinsá besik/di'ak mak ita-boot akompaña tópiku sira tuirmai ne'e?



### Saida mak fonte notísia no informasaun nian ne'ebé ita-boot konfia liuhotu?



Televizaun ein jerál nafatin sai nu'udar fonte informasaun ne'ebé konfia liuhotu(88%)<sup>4</sup>. Televizaun provável liu atu fonte ida ne'ebé konfia liu entre rezidente sira iha Dili (94%, kompara ba 85% husi ema sira ne'ebé hela iha li'ur ba Dili) no mós feto sira (91%, kompara ba 84% husi mane sira).

Rádiu (6%) no Konsellu Suco/lideransa lokál sira (3%) mak nu'udar fontes ba notísia no informasaun nian ne'ebé tuirmai konfia liu.

Tamañu amostra nian ne'e ki'ik tebes iha munisípiu ida-idak nia laran, maibé observa katak iha variasaun balun. Entretantu televizaun mak nu'udar fonte informasaun nian ne'ebé konfia liuhotu iha munisíspia hotu-hotu, konfiansa iha rádiu no Konsellu Suco/lideransa lokál sira ne'e iha variasaun konsiderável tuir munisípiu. Konfiansa iha rádiu ne'e aas liuhotu entre respondente sira husi Ainaro (19%), Viqueque (17%) no Oecusse (16%), entretantu konfiansa iha Konsellu Suco/lideransa lokál sira ne'e aas liuhotu entre respondente sira husi Aileu (34%).

<sup>4</sup> Favór nota katak iha Ronda 4 nian pergunta ida-ne'e husi kona-ba fonts ba notísias no informasaun iha jerál. Iha ronda sira uluk nian, pergunta ida-ne'e husi iha relasaun ba COVID-19 no notísias informasaun seluk ne'e ketaketak.




Bainhira husu kona-ba kanál televizaun saida mak respondente sira haree/akompaña dala barak liu, RTTL (85%) mak nu'udar kanál ne'ebé komún liu ba ema atu haree/akompaña, tuir mak GMN (63%). Ema sira ne'ebé hela iha Dili komún liu atu haree/akompaña GMN (73%, kompara ba 59% iha li'ur ba Dili), entretantu ema sira ne'ebé hela iha li'ur ba Dili komún liu atu haree/akompaña RTTL (89%, kompara ba 76% iha Dili).


Husu mós ba respondente sira kona-ba estasaun rádiu saida mak sira rona/sintoniza. RTTL mak nu'udar estasaun ne'ebé populár liuhotu (48%), tuir mak Rádiu Komunidade (23%) no Rádiu Maubere (22%). Ema sira ne'ebé hela iha Dili ne'e dalaruma provável liu atu rona/sintoniza Rádiu Komunidade (30%, kompara ba 20%), Rádiu Maubere (29%, kompara ba 20%) no GMN (18%, kompara ba 10%).

Minoria husi respondente sira mak lee jornál. Respondente sira dala barak liu lee Jornal Independente (9%), tuir mak Diário Nacional (5%) no Suara Timor Lorosae (4%). Ema sira ne'ebé hela iha Dili no mós iha idade entre 25-44provável liu atu lee jornál sira-ne'e ida-idak.


### Kanál televizaun saida mak ita-boot sira haree/akompaña dala barak liu?



### Estasaun rádiu saida mak ita-boot sira sintoniza/rona dala barak liu?



### Dezafius 5 boot liu atu asesu ba informasaun



Maioria respondente sira iha fulan Dezemburu (88%) informa katak pelumenus hasoru dezafius balun atu asesu ba informasaun, aas liu duké iha levantamentu ba ronda sira uluk nian (69-82%). Fundus ka osan limitadu atu selu ba koneksaun mak nu'udar dezafiu ne'ebé komún liuhotu (47%, sa'e husi 34% iha fulan Setembru maibé aliñadu ho 47-49% iha ronda sira uluk nian). Ida-ne'e sai hanesan dezafiu ida ne'ebé komún liu entre ema sira ne'ebé hela iha Dili (60%) kompara ho respondente sira ne'ebé iha li'ur ba Dili (42%).


Laiha fatin atu asesu informasaun ne'e sai kestaun ida komún liu ba respondente sira ne'ebé iha li'ur ba Dili (15%, kompara ba 4% husi rezidente sira iha Dili).

Espesifikamente, menus fatin atu asesu informasaun ne'e sai hanesan kestaun ida komún liu ba respondente sira husi Oecusse (41%), Aileu (34%) no Lautem (29%).


## Perfil Respondente nian

Perfil husi respondente sira iha kraik ne'e bazeia ba dadus **naun-ponderadu** (kontajen bruta ba respondents, la ajusta atu refleto populasaun Timor-Leste).


### Munisipiu



### Jéneru




### Idade




### Númeru husi ema iha ita-nia uma-kain

#### Adultus




#### Labarik




■ 0 ■ 1 ■ 2 ■ 3 ■ 4+

■ 0 ■ 1 ■ 2 ■ 3 ■ 4+


**Karik ita-nia uma-kain simu pagamentu ba subsídiu ruma husi governu?**




**Iha loron baibain ida, lori tempu hira ba ita-boot atu la'o hodi ba kuru bee?**



**Oras ne'ebé serbisu ona (se empregadu) dezde inísiu husi Estadu Emerjénsia**



**(Se oras ne'e hamenus ona) Karik ita-nia empregadór/patraun...**



# Metodolojia

## Kestionáriu ne'e dezenvolve halo nu'usá?

Fundasaun Ázia mak lidera dezenvolvimentu ba kestionáriu, ho ORIMA Research mak fó konsellu bainhira apropriadu. Pergunta sira foti husi peskiza anteriór ne'ebé Fundasaun Ázia realiza ona, nune'e mós ho ORIMA Research nia levantamentu ba Rastrei Rekuperasaun COVID-19 (Recovery Tracker survey), entre levantamentu internasionál seluk ba COVID-19 nian. Kestionáriu fulan Jullu ne'e kuaze idéntiku ho fulan Maiu nian, ho seksaun foun ida kona-ba serbisu sira uma-laran nian no mós modifikasaun ki'ik balun. Fundasaun Ázia mak supervizona programasaun no tradusaun ba kestionáriu sira ba iha Open Data Kit (ODK), plataforma software ida ba levantamentu nian ho kódigu nakloke (open-source survey software platform).

## Oinsá mak dezenvolve kuadru amostra nian no mós oinsá ho ninia efikasía?

Kuadru amostra ba levantamentu ida-ne'e foti husi Fundasaun Ázia nia levantamentu sira iha pasadu ba programa Tatoli no Polisiamentu Komunitária nian ne'ebé halo hodi hasoru malu diretamente. Limpeza ba amostra ne'e envolve remosaun ba número sira ne'ebé mamuk/inválidu/duplikadu (n=6,344).

	Mínimu ne'ebé propoin	Maiu	Jullu	Setembru	Dezemburu
<b>Mane sira iha Dili</b>	38	70	78	80	73
<b>Feto sira iha Dili</b>	38	57	50	48	52
<b>Mane sira la'ós iha Dili</b>	150	179	174	172	181
<b>Feto sira la'ós iha Dili</b>	150	117	102	107	96

Bainhira liga ka kontaktu ba número ida no ema seluk ida mak responde/hatán, entaun ema ida-ne'e mós bele kompleta peskiza ne'e. Entretantu foti ona medidas hodi halo peskiza ida-ne'e sai representativa bainhira posível, maibé amostra husi projetu ida-ne'e nian klasifikadu nu'udar probabilidade-laek.

## Entrevista telefónica ne'e hala'o halo nu'usá?

Atu hala'o serbisu terrenu nian, Fundasaun Ázia halo parseria ho ONG ida bazeada iha Dili hanaran Mata Dalan Institute (MDI). Maioria entrevistadór sira-ne'e mak anteriormente serbisu ona iha projetu sira ho Fundasaun Ázia, no sira barak mak serbisu ona iha ronda barabarak husi levantamentu ida-ne'e. Funsionáriu husi Fundasaun Ázia nian mak halo filafali xamada ba fins validasaun nian, no la

	Maiu	Jullu	Setembru	Dezemburu
<b>Lista amostra</b>	2,307	1,192	534	681
<b>Lakohi/rekuza</b>	30	47	66	87
<b>Número sira ne'ebé la funsiona</b>	1,666	619	60	188
<b>Konjuntu dados final</b>	423	404	407	402
<b>Taxa resposta<sup>5</sup></b>	19.9%	32.6%	76.2%	59.0%
<b>Serbisu terrenu hahú (2020)</b>	19 Maiu	18 Jullu	21 Set	03 Dez
<b>Serbisu terrenu ramata (2020)</b>	25 Maiu	17 Jullu	02 Out	08 Dez
<b>Durasau média husi entrevista<sup>6</sup></b>	47m25s	41m30s	43m23s	47m57s
<b>Número entrevistadór sira</b>	14	19	11	17

deskobre asuntu boot ruma. Monitorizasaun mós hala'o husi Fundasaun Ázia nia funsionáriu sira.

Kuaze levantamentu hotu-hotu ne'e hala'o iha lian- Tetum, ho entrevista uitoan de'it mak hala'o iha Fatuluku, Bahasa Indonesia ka Baikenu. Respondente sira simu pulsa telefone \$2 ba sira-nia partisipasaun iha peskiza ne'e.

<sup>5</sup> Taxa resposta ne'e kalkuladu ho número peskiza final ne'ebé kompleta mai husi kuadru amostra nian fahe/divide ba número husi número telefone válidu sira ne'ebé uza husi kuadru amostra nian.

<sup>6</sup> Esklui kazu sira 25/29/28/26 iha-ne'ebé nia durasaun liu oras 4, provável liu tanba lahanehan butaun final atu "submete/submit".

## Medidas saida mak foti ona hodi garante katak dadus ne'e representa duni populasaun iha Timor-Leste?

Peskiza ne'e dezenia atu sai representativu to'o iha pontu posivel ba populasaun adulta (17+) iha Timor-Leste hanesan define iha Sensus 2015 nian. Konsiderasaun iha abordajen ba amostra nian ne'e inklui neseseidade atu permite halo komparasaun entre Dili no munisipiu sira seluk, nune'e mos sai pratiku liutan iha prazu ne'ebé relativamente badak no mos ho amostra ne'ebé limitadu.

Kuota minima (hatee parte liman-loos, iha leten) ne'e estabeselese atu garante kobertura jeneru no jeografiku ne'ebé adekuada. Kuota ida, iha relasaun ho fetu sira iha li'ur ba Dili, ne'e nunka konsege alkansa. Aleinde ne'e, munisipiu ida-idak iha li'ur ba Dili iha kuota minima ne'ebé proporsional ba sira-nia populasaun. Kuota minima nesésariu ba munisipiu ida-idak mak ema nain 10. Munisipiu sira ho numeru populasaun aas (hanesan Baucau no Ermera) iha kuota minima ema nain 25.

Iha ronda ida-idak, amostra ne'e ponderadu hasoru indikador sira ba populasaun nian hanesan define iha sensus 2015. Ida-ne'e atu korrije parsialidade resposta husi mane no idade média sira, nune'e mos ho amostrajen ba Dili nian ne'ebé boot liu uitoan. Ponderasaun ba Métodu Iterativu Aleatório [Random Iterative Method (RIM) ]

	Populasaun (N=662,285)	Maiu naun-ponderadu (n=423)	Jullu naun-ponderadu (n=404)	Setembru naun-ponderadu (n=407)	Dezemburu naun-ponderadu (n=402)
Idade					
<b>17-24</b>	28%	14%	15%	11%	14%
<b>25-44</b>	41%	53%	58%	61%	53%
<b>45-120</b>	31%	33%	27%	28%	33%
Jéneru					
<b>Mane</b>	50%	59%	62%	62%	63%
<b>Feto</b>	50%	41%	38%	38%	37%
Lokál					
<b>Dili</b>	26%	30%	32%	31%	31%
<b>La'ós Dili</b>	74%	70%	68%	69%	69%

nian uza pakote anesrake iha R studio mak hili nu'udar métodu ponderasaun ne'ebé apropiadu liu ho konsiderasaun ba komparabilidade iha futuro, simplisidade no representasaun ba populasaun. Variável sira ne'ebé uza ba ponderasaun, proporsasaun iha populasaun laran, naun-ponderadu no ponderadu nian mak hanesan hatudu iha tabela iha liman-loos.

## Etapas prosesamentu ba dadus nian saida mak foti ona?

Bainhira ORIMA simu tiha dadus, hafoin ezekuta etapas prosesamentu ba dadus nian hanesan tuirmai:

- Realiza verifikasaun ba duplikada no verifikasaun ba speeder
- Respostas ba pergunta sekuensial sira iha Tetun ne'e Fundasaun Ázia mak halo tradusaun.
- Resposta sira "La hatene" iha pergunta sira ne'ebé presiza resposta barak ne'e halo ho eskuziva.
- Kodifikasaun reversa ne'e halo bainhira apropiadu.
- Rótulus ba variável no rótulus ba valór nian verifikadu no modifikadu hodi serbí ba fins relatório nian.
- Ponderasaun ne'e realiza hanesan iha leten.

Resposta sira ne'ebé indika tipu ida naun-resposta nian (hanesan "La hatene", "La aplikável" no "Rekuza/Lakohi") have ne'e hasai tiha ona usi baze iha relatório ida-ne'e, anaunsér hatudu oinseluk.

## Oinsá hau bele tau konfiansa ba rezultadu sira?

	Maiu	Jullu	Set	Dez
<b>Númeru resposta</b>	423	404	407	402
<b>Marjen erru estatístiku</b>	±4.8%	±4.9%	±4.9%	±4.9%

Marjen erru estatístiku nian ne'e kalkula uza porsentajen proporsasaun 50% iha nível konfiansa 95%. Enkuantu marjen erru nian ne'e la aplika téknikamente ba amostra sira naun-probabilidade nian, maibé ida-ne'e sei bele uza nafatin hanesan gia jerál ida bainhira determina karik rezultadu sira-ne'e diferente duni ka keta purakazu de'it. Faktór sira seluk, hanesan métodu amostrajen, parsialidade naun-resposta no erru iha medisasaun nian mos tenke tau iha konsiderasaun bainhira halo interpretasaun ba rezultadu sira. Figura sira iha testu laran ne'ebé sinalizada iha forma diferente entre sub-grupu sira-ne'e hatee ba katak signifikante pelumenu ba kategoria seluk ida tan wainhira uza Welch T-test iha intervalu konfiansa 95% ho korreksaun Bonferroni nian ida iha interfase cTables husi SPSS nian. Análize ba diferensas entre sub-grupu sira-ne'e sujeita ba marjen erru sira ne'ebé aas liu no teste hirak ne'e tau ida-ne'e iha konsiderasaun. Nu entantu, sira só bele uza hanesan gia jerál de'it. Teste sira-ne'e la subliña bainhira la eziste diferensa iha sub-grupu. Porezemplu, iha diferensas balun tuir jeneru. Iha relatório ida-ne'e nia laran, la'ós figura hotu-hotu sei adisionadu hodi sai 100% tanba arredondamentu.

## Kona ba Fundasaun Ázia

Fundasaun Ázia nu'udar organizasaun dezenvolvimentu internasionál naun-lukrativu ne'ebé iha kompromisu atu hadi'ak ema nia moris iha rejiaun Ázia ne'ebé dinámiku no dezenvolve daudaun hela. Halo serbisu através ami-nia eskritóriu sira iha nasaun 18 no informadu liuhusi esperiénsia lokál ne'ebé kle'an no mós ho esperiénsia durante dékada neen nia laran, ami tau-matan ba kestaun krítiku sira ne'ebé afeta ba Ázia iha sékulu da-21 ne'e nia laran liuhusi: hametin governasaun, habelar oportunidade ekonómiku, hasa'e reziliénsia ambientál, haberan feto sira, no promove kooperasaun internasionál. Iha Timor-Leste, Fundasaun ne'e agora daudaun foka ba hametin governasaun no polítika, hapara violénsia kontra feto, dezenvolve turizmu inkluzivu, no mós promove pás no justisa.

Atu hetan informasaun kona-ba Fundasaun Ázia, favór vizita [asiafoundation.org](http://asiafoundation.org), ka kontaktu:

**Pauline Tweedie** – Representante Nasionál – Dili, Timor-Leste – [pauline.tweedie@asiafoundation.org](mailto:pauline.tweedie@asiafoundation.org)

**Diresaun:** Avenida Luro Mata, Bairro Metin II, Bebonuk - Dili, Timor-Leste **Tel:** + 670 331-3457

## Kona-ba ORIMA Research

ORIMA Research nu'udar empreza Australianu nian ida iha área peskiza sosiál ne'ebé espesializada iha sektór sira governamentál no mós lukru-laek nian. ORIMA serbisu estensivamente ona ho Fundasaun Ázia dezde 2015, inklui iha área prosesamentu ba dados, metodolojia levantamentu no análise no mós relatóriu.

Atu hetan informasaun liutan kona-ba ORIMA Research, favór vizita ami-nia website [www.orima.com.au](http://www.orima.com.au), ka kontaktu:

**David Bruce** – Parseiru – Canberra, Australia – [david.bruce@orima.com](mailto:david.bruce@orima.com)

Relatóriu ida-ne'e prodús halo tuir ba padraun internasionál ISO20252.